

四庫全書

集部

欽定四庫全書

御製詩四集卷七十八

古今體一百十三首

辛丑二

辛丑春帖子

庚去復來辛金穰肇始春發生剖符甲景福自

天申

是日
甲申

一氣轉羣雍春祺萬國同憲書到西域昂首向東風
春來春去自年年言吉還成帖子篇尺宅寸田多喜意

由來與物普皆然

新正幸御園即事成什

昨歲

祈年遂啟程為垂陽氣奉時行御園依例開正幸丁酉

憶前四載更

每歲新正奉慶必有詩紀事自丁酉

慈寧幸園明園垂時行

三年舉南巡之典今春正依例幸御園忽忽不覺四載追憶增感

石火電光真可訝星

橋月炬若為情紀吟節序難容罷把筆無端句怯成

皆春閣

東皇一氣布萬寓普皆春高閣獨享帚璫杓識指寅片
時宜徙倚五字咏和閨觀象欽切已體仁足長人

澄虛榭

惟虛故能澄是乃言乎水春寒冰未消而榭亦對此然
無礙其澄冰水原一理照影靜弗動更覺此

謂冰勝彼水

中孚豚魚吉義象闡其旨

得趣書屋口號

幾年頓置偶來茲却向拈題屢有詩一展編應一窮理

耽書得趣本如斯

題長春書屋

又值孟之春御園首祚間四年久闕詠

自丁酉大事過
二十七月後昨

歲南巡自京起程
至今忽四年矣

一室永怡神依例行時舊不堪得句

新西南望

仙館

此書屋乃九州清晏別室之名
西南別一區為昔日奉

聖母駐御園度新正
長春仙館又

之處也

益覺悵懷頻

抑齋

昔讀武公詩書齋因額之威儀德隅凜敬慎遠猶思飭
已臻尚未治人艱可知如云警既產將亦逮其時

清輝閣

鋪設如常自有司六鼇三島九華枝閣前偶到翻然返
燈節當年侍

宴時

再題獅子林十六景

獅子林

獅子林今凡有三

御園及避暑山莊皆仿獅子林之景為之與吳中故蹟凡三

此中

塞北彼江南分明前後悟文喜那更重詢彌勒龕

虹橋

彎彎上下影成雙半似虹橋半月窓銅笛一聲隨處是

陸游詩獨吹銅笛過垂虹

新亭何必憶吳江

假山

疊石為峯稱假山亦看峭蒨亦孱顏設論真者如何是

我也疑廣於此間

納景堂

春臺色色與形形瀟灑書堂愜性靈宜是久居味景趣
而惟偶至片時停

清閼閣

弄藏雖乏古書畫

倪瓚清閼閣多蓄古書畫

森列頗饒老柏松高閣

依然是清閼淨名居士

倪瓚別號

可容逢

藤架

石橋宛轉俯冰池架上藤蘿枯蔓披吐葉開花雖有待

迅於駒隙者惟時

磴道

丹梯隱現繞巖嵒
景借金闔此肖之漫訝高低都入畫
可知粉本出天隨

占峰亭

高峰上有虛亭占
牆外烟村賽社燈
幸得逢年一日樂
同民此亦覺相應

清淑齋

清溪為鏡石為屏
淑景當前印育亭
雖是舞風弱柳遲
聲去已欣映雪老梅馨

小香幢

小閣一間冠峯頂
畧如元鎮供香幢
燕中乍與吳中合
日面何妨月面雙

探真書屋

芸編綈几足相親
名語耽書是宿因
學欲探真知者夥
應思誰果踐其人

延景樓

既深而曲復犁然小小壺中別有天
把筆明窓閑擣影
試思此景若為延

畫舫

凝冰畫舫塢中收
莫問名因米及歐
祇有烟波無盡意
四時恒與作乘浮

雲中石室

雲林號已同其古
石室幽聊趁此閒
真假即離都不著

一時飛興到盤山

盤山有雲林石室山石天成此則仿其名疊石為之

橫碧軒

溪水軒前凍尚凝一般碧色鏡光澄漫於虛實閒評度
且喜雖風波不興

水門

跨水為牆甃門置誰何本自異重闌踏冰都可步而入
何必扁舟學問津

宋人歲朝圖

梅白棹紅一幅中良禽枝上喚東風貞元消息物皆識
知以不知造化工

題檀製古玉如意

今檀擎古玉古式製今工巧註求和應恍從雲與風文
言誠可玩說訓合兼窮我意祈如者雨暘時若中

詠永樂雕漆愛蓮茶盤

巧匠精雕圖愛蓮錯陳朱綠淺深鐫幸猶未致俗工改
細字宛存永樂年

永樂雕漆最精其款皆針鐫細字宣
德年所製雕漆不及永樂遠甚其時

工匠多有私去永樂款
改錫宣德款以偽充者

銀鏡

眼鏡不見古來自洋船徑勝國一二見今則其風盛玻

璆者過燥水晶溫其性目或昏花者戴之藉明暎長上聲

年人實資翻書槧凡凭今四五十人何亦用斯競一用

不可捨捨則如瞽定我茲逮古稀從弗此物憑叶雖艱

悉蠅頭

余昔年喜作蠅頭細書今所藏卷冊甚多
近作憶昔詩仍書丹尾目力頗覺進前矣

原可

讀論孟

如刻版四書字
視之原如故也

觀袖珍遜昔然斯亦何病絜矩

悟明四勿倒太阿柄

言一用眼鏡則不可捨將被彼操其權也

題舊端石天然六星硯

天然猶見舊阮青鸚鵡高低現六星元命芭如喻成就
斯文萬物解形形

詠官窰筒器

品稱珍器亦稱稀生二陶成是也非植筆簪花無不可
一家聲應本相依

題文源閣

政簡燈宵尚首正巡檐芸閣一怡情幾年闕詠非無事

閣成於乙未丙申亦曾題句自丁酉至去歲總未臨詠忽忽五年矣四庫全書猶待成寬

以時日因體大嚴其魚魯欲求精討源內聖外王學兩未臻焉慙愧生

自得軒口號

熟路依然軒逕披循名責實每於斯及其老也戒在得

昨近為文義可思

去歲于山莊為堂額曰戒得因製記以闡皇祖戒得之義

養和室

養和有二義一曰養在己胷中十分春是即其注矣一
曰養在人四海春臺裏風風雨雨間化澤被遠邇子曰
和不同斯之謂君子其養應如何克己與復禮

抱樸草堂

堯心曾是非黃屋綴景茅茨構草堂愛此還淳真抱樸
勝他峻宇與雕牆

懷新館

陶詩本意在良苗我欲通之正此朝何必昌昌誇競節

雅宜默默始含韶
盆中淡白舒梅萼
牆外輕黃上柳條
物意皆然民豈不早
循漢詔布恩饒

新正加恩各直省
展賑緩徵借給牛

具耕種次第施行

題煙月清真樓

春烟春月會長空
清匪虛真與實同
卦註中孚融體象
記先太白始鴻濛
底須桃李當宵宴
自有燈花應節烘
却是高樓付不識
出楹入牖任其工

題古玉尺

漢玉已稱古無過土血侵兩般彼殊珙一色此純琬文
卻斑斕雜精舍沕穆深量才如借喻吾亦慎于心

王紱松壑聽泉用圖中卻寶題句韻

故山常憶昔遊蹤

用王紱
自識意

供奉身因羈九重何不掛冠

神武去

用蘇軾掛冠神武門
古有今則無句意

聽泉空寓坐崖松

題駝基石五螭硯

駝基石刻五螭蟠受墨何須誇馬肝設以詩中例小品
謂同島瘦與郊寒

詠永樂雕漆盤托子

托子尚餘永樂製不知盤失自何年畫圖悉泯刀痕刻

款識猶存鍼蹟懸補以後休誦居上

以嘉靖雕漆盤補置其上分寸脂合

亦可資佳話也

闕其半乃幸成全幸全那免重闕半擲筆翻因

笑艱然

迎步廊

人沿廊進步廊似解迎人互以動為靜那分主與賓曦

楹朝報暖風牖細吹春入屋無長

去聲

物芸編柴几陳

虛受軒

愛竹因題虛受軒却思虛受豈徒言盈庭詎止攬其秀
前席無遑傲我尊

含芳書屋

書屋額含芳四時芳在屋斯言已放芳而屋含以足茲
來芳未放生意物含蓄含芳之正義書屋同其淑蓋放
斯有窮含乃無窮福先王茂對時義經明著育

恒春圃

屋中縛竹籬點綴為學圃植花而非蔬較樊猶小許四
時足芳菲恒春稱去聲名與雖云藉薰難亦賴青韶鼓即
景得當前安能默無語

芥舟

坳堂杯水芥為舟曲沼孤亭似舫浮借喻因之還借問
須彌亦納幾迴不

有暇

有暇芸編緝几披果然樂此不為疲一端獨異淵明者

求解殷勤欲去疑

按陶淵明不求甚解為儒林佳話然在淵明則可在
他人則不可而在為人君者尤不可也彼其隱居遯
世不繫人間是非閒情讀書而不求甚解此物此志
也周公仰而思之夜以繼之內聖外王之學備於是
矣若今居古稽之士進德修業之傳一切付之不解
將何以探蹟索隱鉤深致遠以窮理盡性乎格物致
知程朱所以汲汲也若夫為君者勅命幾康將以大

公示天下有疑而不決何以服天下之心而為出治
臨民之本乎予故曰在為人君者尤不可也

詠唐回紇鍍銀四喜壺

曾詠回銅噉嚙驚天方古器壯京都即今鍍銀四喜壺
却是唐代來者乎爾時蒲萄宮饌肉中國兵威或弗足
借彼之力因成功郭相成王辱不辱入土年久青綠斑
摩挲猶認前朝艱長吟弔古非誚已保泰惟殷方寸間

題玉鏤硯屏圖

清防耐可置書几於硯南宜北未宜設使換鵞徵往事

在前真者怵臨池

用米芾元
日帖句意

右玩鵞

撫松迴首看放鵞任去無心亦任還如玉其人泯姓氏

雲龍山也抑孤山

雲龍山有張天驥放鵞
亭孤山有林逋放鵞亭

右放鵞

詠和闐玉丹臺春曉圖

一幀當門豎若屏琢磨寫較筆還靈丹臺圖出曉春麗

石室名傳季道馨青質白章如設色鏤峰刻樹自成形
仙童採藥雲衢返太一鑪前守六丁

題蘇軾珮首石渠硯

製擬石渠用玉堂坡翁手筆永羶鄉王言自合同謨典
劄子鄙我謂弗當

蘇軾知制誥時作責呂惠卿制詞語人曰三十年作
劄子今日方劄得一有肉漢其言深可鄙詞臣視草
豈可以九重之絲綸為一身之報復即呂惠卿小人

斥之本當亦不可為此語也蘇軾正人且然他可問
乎我國家一掃歷代鄙習文武遷除皆無制詞司事
者無從高下其手實萬世不易之良法已亥歲詠端
石鳳池硯已詳論及之茲題蘇軾石渠硯即其視草
所用因復識如右

王蒙南屏山居圖

北漠

見元史劉秉忠傳

南杭

見西湖志

兩見之未知圖者屬乎誰劉

家精舍靜宜隱

謂上都之南屏

蘇氏道人贈有詩

謂西湖之南屏

徒看

溪山真合沓，遠離城市稱。
去聲樓遲凝神獨坐，茅簷者視
若無思，又有思。

詠漢王穀壁

製猶古略土，華滋細晚頗。
魚燒染為莫，怪由來半真假。
世間何事不如斯。

上元前夕小宴宗親

新正慶訝景禧駢，家宴例於嘉夜前。
尚憶夢我如昨日，未歌行葦閱三年。
亦知長此安窮爾，其奈對茲猶黯然。

勉吾與民同樂節試聽樂奏角招絃

上元燈詞八首

都稱三五上元宵置望靈臺遲兩朝

是月十七日始望

漫議圓

輪錯佳節示冲本意正高標

一點飛烟瞥眼過諸天花雨雨

去聲

婆婆放光舍利應如

是縮地何殊摩竭陀

齋鈔曾聞賜母賢一時佳話帝都傳

明通記載永樂十年元宵賜宴聽臣

民於午門觀龍山三日時尚書夏元吉侍母往觀上曰賢母也命齋鈔二百錠賜之

午門豈是觀

燈所斯事吾云未合然

回部番官罷遠行興州曾是仰光明

昨歲仲秋于山莊行慶典各蒙古札

薩克喀爾喀杜爾伯特土爾扈特及回部各土司等均於萬樹園賜觀烟火今歲上元惟蒙古喀爾喀以年班來者仍與宴賜觀烟火其杜爾伯特等部落皆遠均先期降旨免其今歲朝正以示優卹年班扎薩

仍聯席不藉調停典屬情

蒙古內扎薩克喀爾喀皆世為臣僕各按班聯威儀整肅

以視唐書所稱突厥使與蘇祿使爭長典屬為東西設幕以調停之者不可同日語也

去年冰戲吟行館今歲踏歌聆御園傍晚紫瀾風定處
西樓景物祇依然

卷七十八
粵宛高高淨碧虛庭前百戲遞陳諸須臾一片銀蟾上
燭朗星輝揔不如

火樹星毬紛熠煜鼇山貝闕聳璘珣八章詞置三年整
向年上元例有燈詞八章自丁酉後戊戌己亥罷賞
燈節庚子值南巡蹕途不為此詞者三年於茲矣却

覺當前意境新

意境新翻引舊悲承

歡如舊永無期聯情中外同民樂勉抑追思強對時

上元後一日小宴廷臣二律

例應節後宴廷臣三載不為為似新已過上元猶幾望

是月十七日始望

宛如太古有恒春中和樂奏昇平曲内外臣

聯笑語申

是日與宴者自大學士領侍衛内大人人世流

陰誠速耳領班率已易絲綸

丁酉上元後小宴廷臣以大學士舒赫德于敏中領

班今閏三年重舉是典滿漢大學士率已更易矣

順時八舉兆青旂正大光明敞玉扉

上元後一日小宴例設于正大光明

殿殿額

皇考御題也不倚不偏中道立

釋正大

四明四達五絃揮

釋光

初心敢負曰予訪轉眼誰知逾古稀咨爾嘉言孰

益我持盈惟是慎幾微

詠官窰雙耳小壺

式仿炎劉成趙宋

與西清古鑑漢獸耳小壺同

用園旅食士相宜設

淪瓦器昆吾作實近名誠損與甿

趙元合溪草堂圖

堂築碧溪中幽栖樂莫窮無塵到心境有水合天空仗
策來佳友烹茶付野僮非舟不能到

見顧阿瑛白識語

原是許

舟通

末二句反其詩意

題舊端石星羅硯

雖非鸛鵲下岩珍亦自上岩佳品真月鏡設如懸朗鑑
星羅何礙衆多陳

詠漢玉枕托子

托子猶存炎漢名所承東北喪朋成爲金爲玉器難考

謂其枕

有合有離理易明

謂托子

難辨何時出邛阜徒教此

日補豐城

托子所藏之枕不知何時佚去因以新製和闐玉枕補配適與胎合

由來玩物

誠矣益望古惟增弔古情

舍經堂

昔歲上元過後來

往年上元節後每至斯堂率有題咏故有閒餘節後到書堂例以新正有

詠章之句

即今依例此清陪事無不可過去者

昔有句云無不可過去之

事

心則安能頓忘

去聲

哉燈火雖教答令節杯棬仍復引

餘哀慎終追遠宣尼訓經義由來二語該

味腴書室八韻

舍經堂左箱薈要箇中藏

四庫全書薈要二部一貯大內者每冊末頁用摘藻堂印

一貯御國者用味腴書室印

四庫貫今古萬籤貯縹緗雖云稗精秘

尚自浩汪洋六部天人備

謂經

千秋治亂詳

謂史

百家純與

駁

謂子

諸集否和臧

謂集

元以鈎而獲腴其味則長寧輸二

酉富祇為

去聲

萬幾忙那得閒無事於斯枕簟償

淳化軒

次第答華年軒庭春晚天大都久闕詠遂與偶成篇茗
絲砌廊舊梅英綻在鮮節燈猶在架淳化豈其然

適性居有會

魯論有至言性近習相遠習染乃成情情以性為本適

性適其正動定靜定蘊苟或涉非禮無益乃有損適實
近乎逸五字因識謹

題蘊真齋

真乃假之對蘊實發之初苟誠蘊以真可期假必祛君
子務實學言行無欺夫色仁而行違斯為假者徒齋額
顏蘊真盤孟銘寓吾然齋真恒蘊以其恒抱虛抱虛近
蘊真此義著中孚

理心樓口號

理心寧曰務神奇日用尋常要去私欲以清明在方寸
萬幾順應付無為

如園

借問如園何所如金陵徐邸肖為諸

如園肖江寧瞻園為之本明徐達邸

第昨春遊賞景猶是勝國興亡事已虛岸柳梳風黃漸
染盆梅烘日白將疎流陰不住原常住去歲今年豈異
初

題敦素堂

溪堂近水治素意對堪多一例鏡相照而饒水不波心
神澄以靜書史暇仍磨云暇或虛語經年纔一過

深寧堂口號

松篁徑曲因致遠窓几趣閒耐可停堂額味餘非謂此
民生國計願深寧

自遠軒

亭軒率與名不可屈指數然每循其名責實不遑處譬
之茲自遠寧謂地偏所其義亦有二臧否殊茹吐嗜欲

當遠之克己宣尼語賢良豈宜遠宜以為翼輔拈句非
玩景求益在近取几杖胥有銘吾當師周武

熙春園

樓門未過四年整

自丁酉至今辛丑不
涉是園者凡四年矣

趁暇一遊屬偶

然石火居諸誠迅矣化城乾闥可同焉幾曾翰席多時

坐雖有華鐙祇晝懸

司苑者燈節例亦懸燈
然從未一至此夜賞也

萬物熙春

舍大造小民懷保繫予鮮

主善齋

書齋顏主善

仁祖昔年題元善四序首

天工兩語齋亞盆梅已綻拂牖柳將穉底是對時句應
乎莫漫稽

燕九日作

次第看燈火光陰石火同忽臨燕九日一例付東風道
觀去聲從頭述星槁婪尾烘間餘覺靜好香篆裊窓融

冰床

今歲立春遲春冰依舊厚
輾轉坐冰床平湖任行走
鵝啄未易穿

曹松詩春冰鵝啄穿

魚陟空思負然而岸之陽漾水已

漸有君子貴見幾君牙義亦剖

題王問山水

幽谷喬林靜絕埃科頭窓下古
琴陪柴門不開小年永
應待佳朋問字來

詠痕都斯坦白玉益壽壺

菊泉益壽傳佳話孰謂痕都識
琢鏤中國久經聲教訖

殊方應許珪珍售，譬如無物思難措。撫實有華手不留，
雙朶翻垂作嘉鑒。略如述古伴周卣。

題宋紫端石渠硯

舊硯多看製石渠，想因漢閣取名與。不知其北肆心者，
可與劉歆手答書。

正月廿三日

聖母忌辰於長春仙館禮佛作

未敢居然奉

神御

長春仙館為御園燈筵恭奉自丁酉後敬於舊址恭設佛堂瞻禮仰慕未敢供

聖母起居之所

奉

豐於前典也神御致

無生藉演法王音那堪令節芳園裏大

異向年

翬宸臨瞥眼不殊斯泣血終身豈忘此推心長春忽作

長秋處庭樹蕭蕭伴悵吟

詠嘉靖雕漆茶盤

果園秘製刻雕精破悶偏宜茗椀擎何必宣成尋舊器

越窑新樣煮三清

嘗以雪水烹茶沃梅花佛手松實啜之名曰三清茶記之以詩並命兩江

陶工作茶甌環系御製詩於甌外即以貯茶致為精雅不讓宣德成化僖歲也

再題米芾天然端石硯

不惟弄米魚珍趙

背刻寶晉齋米芾
傍刻子昂藏字

自是宜詩更入圖

緋几是非存所樂偷閑撫帖少工夫

杜瓊天香圖

書屋天香寓樂飢擬登雲路又何為

二語反畫中
杜瓊詩意

樞機

言行可不慎屈指似茲難數其

詠和闐玉倣周獸環大壺

撈玉河收大者艱

凡山玉易致大者而質不及河玉河玉質美然艱致大者

巨珍嘉

峪忽班闔量盈二尺曾無瑕製以三秋不計鍤尊異商家乙銘腹壺摹周代獸為環廿年回晏來包貢慰愧兩殷方寸間

雪

正月廿四日

冬臘優沾雪春膏待實堪侵辰粒灑細逮已片飛酣舞鳳翼如翥垂龍鬚或髦落空尺希一潤地寸將三傍午勢徐止宜時澤自甘慰中仍帶惜望蜀特予貪

新正萬壽山清漪園作

御園纔度上元節有暇清漪便一過
晃日冰將酥凍意向陽草已識春和
放勳著典寅平秩子貢言詩悟琢磨
為學最應勵踐履邇來賦句每慙多

玉瀾堂

清漪園內殿堂多來每斯堂所必憇
近隣勤政

殿名

谷對

便遠帶六橋暢覽遂暢覽敢懈咨對殷
乃以餘閒興偶寄雅春冰凍魚未陟
何有於瀾觀且置然而室中凭屨

憲自饒激灝瀾之意

題怡春堂

清漪園內昔日恭奉
聖母慈御處也

每過上元小試遊新正舊例又從頭

向年新正每燈節
後恭奉慈寧

承
已五年撫今追昔不勝懷感

五年轉瞬何其速七字

寫心那解愁堂額怡春春未營

座仍撫昔昔如流自今永罷承

歡句不擬文筵此久留

宜芸館口號

入室芸香馥馥披聞中真與縹緗宜席無暇暖編無展
館不孤斯我負斯

夕佳樓

樓窓因近西名以陶詩擬每遊不過午那識夕陽美繼

善喻馳驛不啻為之喜

昔年尹繼善有馳驛遊山之
喻余轉為之喜每見於賦咏

莊亦有之却每恒到彼歷歲率有詠謂彼勝乎此

寄瀾亭

春寒湖尚未融凌那有輕瀾入目憑借問此時何所寄

自應其意寄於冰

無盡意軒

背山復臨水仁智會心那心者意之本意為心式詭其
本不失正詭亦非殊科氣求及聲應相感資藉多悟軒
無盡者捨斯而更何

清遙亭觀昆明湖有會

昆明萬頃波過磬涉覺言然而近京水實無逾此寬迤
東尚凝冰迤西乃漾瀾春暉一例照融解何殊焉況東

生物方魚陟應在先徘徊有所會西為近玉泉泉溫冬
弗凍滋暖此受暄激波自應早平易非竒端渤海潤百
里故應長上聲百川靈泉雖遜海數里胡不然斯亭名清
遙小坐對漪漣今歲樂水始契理因成篇

對鷗舫

水濶昆湖弗全凍過冬鷗鳥任徘徊似驕回雁相將語
何必勞勞費往來

題寄瀾堂

溪堂臨碧水飄飄有佳致雖殊喻室懷亦凜載舟意泛
濫帶塔下錯莫漾簷際設曰寄於瀾應悟瀾誰寄

石舫

水化則行凍則止尋常舫實祇如斯輪茲石者艤茲岸
兩字不遷恒得之

味閒齋

閒固人所願而我味其味即使默然坐其心果息未苟
其未息心一念如奔駟則又何能閒其勞實一例身勞

心安為晦菴語精詣

清可軒

逶迤來山陰清可所必至轉瞬別五年曾未留一字其
故不忍言其悲猶未置然而歲云徂漸遠留無計泐壁
識新題擲筆懷舊意

袖嵐書屋

或訓嵐為氣或訓嵐為山然山之與氣一二二一間書
屋日所對滃濛而孱顏袖嵐實兩得何必分疎艱

題靜佳齋

春山真是靜春意雅為佳適以值餘暇因之領小齋鳥
傳寥籟慢苔染向陽階不息觀乾運體元興我懷

繪芳堂

垂閭山後小徜徉言憇書堂號繪芳恰是春光猶未老
魯論堪注第三章

雲繪軒

峙者知為山流者知為水動水定靜山亦定是皆易繪

矣至雲則難繪以其無定止聚散弗當形舒卷鮮恒委
惟應任其然自繪而已耳巖軒蒼蔚中得名乃所以

瑩心堂

小堂架溪上其下石泉迸湫澦雖曲注亦有窪樽定定則
足為鑑峽底更明瑩何須論濶狹率可欣照映即境得
心澄去私叶義勝

填倉日作

一日復一日燈節遂已度填倉雖俗節喜其切農務五

政貴餘三千斯祝以素然而戶口滋致此殊難過去歲

況逢潦黍禾率歉獲

叶

賑卹縱亟施

上年直屬雨水稍多新正于例賑外

降旨再加賑一月先是裁漕三十萬石并撥通倉米三十萬石部庫銀三十萬兩以資賑濟之用其河南江蘇安徽甘肅上年歉收處所亦以新春分別賑貸俾遠近窮黎均霑實惠

豈無向隅處大官

例進餅對之增慚作

雪

正月廿八日


濃雲終日為同色時或細零時密霏鶴毳漫空態飄素

蟄振啟戶潤融輝繼膏自是宜春隴

前廿四日雪

渥澤仍希

通帝畿幸值太平無事日惟殷祈歲勅予幾



御製詩四集卷七十八

欽定四庫全書

集部

御製詩四集卷

七十九至
八十一

編修臣
初喬齡覆校

總校官編修臣
程嘉謨

欽定四庫全書

御製詩四集卷七十九

古今體九十二首

辛丑三

孟春遊玉泉山

節事都過尚孟春
偶因政簡試遊巡
靈泉弗凍湖堪泛
積雪未消雲復鉞
翠柏庭陰無改度
紅梅盆面有餘神
今年詎異昔年景
新句常為舊句隣

題翠雲堂

園內斯堂古庭陰雙枯存翠恒不冬變雲益到春也柳
眼還遲凍梅心似惡溫舊題紛四壁造詣自敲論

華滋館

水裔山陽舊書館園中佳處稱樓遲聊憑綈几抒新
興不覺芸牕別久時日既有來當有去誰能無慮與無
思設因七字論詩格華矣猶應濟以滋

虛受堂自警

堂以湖中頗虛受尋思治理兩言該達聰明目虞書訓

言莫予違可畏哉

竹鑪山房

數典原稱惠山寺四圖惜已付雲烟

惠山寺舊藏王綬等四圖昨春惜毀

于火因各補其卷仍付寺僧藏弄詳見南巡詩

雖云補作還舊觀去那似本無

精舍全

前年烹茗於此際

已亥於此烹茶有重尋清興指明春之句庚子春南巡至惠山四圖雖燬

而竹鑪尚在復一烹試今又來此瞬息間已三年矣去歲行春在彼時彼此消彈

指頃耳三而一也得吟斯

心遠閣

山閣歷多年兩言願心遠蓋謂延攬寬目遙心共散以
迴弗常至茲至昔景宛然而思其義遠同殊益損禮義
心遠否私欲心遠善試告甄心人擇斯可弗勉

望冠峯亭口號

未能分日作遊遨亭子冠峯望裏高或曰肩輿亦可到
彼人子也豈無勞

詠素堂

曰素雅宜詠素近無非有曰素弗宜詠矣云繪事後義
經索隱陳韓子鈎元久是皆明素義其詠可闕否書堂
付不知笑我猶吟口

掛瀑簷

泉能流下弗能上

上外

別引垂虹落澗隈漫訝掛簷作奇

觀還源知自碧雲來

玉泉本趵突而非瀑布白為燕山八景詩曾闢其訛茲掛瀑布是碧

雲寺引來之水益西高而東
平故至此一瀉而為飛流也

題崇霽軒

北嶺盤過高就早軒臨崇靄雅相宜澹烟朝暮名常換

朝嵐夕靄
無非烟也

古月春秋實久離

不到北者
已五年矣

瞥眼沉陰真不

駐拈鬚得句便前移每思老尹傳佳話馳驛觀山正若

斯

試墨泉

慙勤筆硯例恒隨欲擬鋪箋試墨池憶昔山陰撫遺蹟

辛未南巡至
興有裁之墨池

驚龍跳久可重為

寫琴廊

清泉汨汨出靈源
廊下有聲却匪喧
寫處設如鑿桐擬
大絃切已是春溫

詠古玉穀壁

視如有粟撫如無
閱古三千年上寸
弗藉他山石錯也
率因佳域土侵夫
觀其可欲今斯現
悟彼深憐昔宜須
知此捐川應不惜
羈然何事笑吟吾

題米芾平直硯

紫端平且直
宋製歷元明
曾經漫仕用
墨華猶英英
書

法真稱佳詩格未臻精雖有顛狂言去太白遠誠撫物
憶其人遂以致公評

正月晦日還宮之作

御苑燈宵過去忽平明依例此還宮奉時行慶惟從衆
祈

社談經必以躬詣寢問

安那重得

向年春仲
暢春園請

社稷壇經筵典禮必恭詣
安然後進宮還御園亦如

之今不可復得
追溯倍增凄切
倚輿摘句詎前同承光路便聊憑憩故

事景龍蹟懶窮

承光殿

雉堞鬱岧嵒承光舊蹟標

承光殿為金元時舊蹟

金元事已往松

柏古增遙液

謂太液池

俯冰將解島

謂瓊島

翹陰復招雨佳雪

亦可總屬澤春苗

振芳亭

翼然騁望四隣通嫩日輕寒春未融漫擬振芳時尚早

韶華都蘊靜舍中

采雲亭

一個孤亭似采雲春陰瓊島正氤氲氣求設果能相應
作雨當教萬物欣

敬題勤政殿

勤政額康熙年陳考莫知

此匾為
莫知為何年

皇祖御書但
御筆也幾

閒雖一豫政要切疇咨兩字楣端揭千秋

家法垂山莊及御苑一例永欽茲

圓明園勤政殿為
皇考御筆詞是萬

壽山香山及避暑山莊勤政殿
皆余恪遵家法一例書額

虛白室

假山既聳礧詰棧亦嶮嶇然如斧劈得徑因達庭小屋繞三間几席樸而清既靜虛斯饒惟白光自生絜矩方寸心南華趣舍精

澄懷堂

老屋此書齋

奎章懸古釵堪欣俗自遠每與靜為偕紅意吐寒萼綠情迴凍芳乃知無盡趣率得自澄懷

惇叙殿有感

以親九族著虞經惇叙依然此殿庭閱三十年如一瞬

丙寅於此宴宗室故顏殿顏曰惇叙秉餘閒至怡韶青水源木本胥融盛

授几廡歌憶燕寧盛典欲重循輒罷顧瞻老輩若晨星

山東巡撫國泰奏報得雨詩以誌慰

孟春下泮每生雲時復密霽落以紛誰識齊東逢雨渥

遂教烟驛遠章聞

國泰奏通省九府二州稟報於正月十七八九日得雪自二三寸至五六

寸不等又奏者城於二十三日亥時起復又得雨竟夜連旦二十四日至二十五日雨中帶雪隨下隨融入土

深透且雲勢濃厚通者均可普露
麥曲滋長實為東作應時之澤
二州九府胥霑澤冬

麥春麴自利耘接壤豫郊應亦被遞來佳信望猶勤

題竹根七賢筆筒

刀寓七賢老竹根叢篁高下籟聲翻
欲詢林裏阮劉輩
可識不亡者箇存

詠舊腹村石玉堂硯

剝蝕漫嫌體不全成形物豈久長堅
何年用者玉堂客
至署可過八影磚

敬題康熙年間葫蘆餅

具繪非因刻成模不是陶物皆堪造就可識化工高

月選

月選明揚對廣廷聽無聲復視無形每逢濟濟日為朗

設遇庸庸志弗寧

每引見選官其日若多可用材罷輒為之喜設多庸流輒為之不憚念其

常選又無過祇於所得缺之繁簡中調用之

祇量缺之殊繁簡酌移人以寓

調停為君難此一端耳詩示後來聰乃聰

改教

謂改教職也

弗勝民社任正途例改教內卿

謂九卿驗看月選官

外方伯

謂督撫考

屬縣課吏率同調予亦不能違捨此無他道叶然予更思

之頗覺殊緩要道德齊以禮聖訓如日照政刑民苟免

安能致熙皞叶德禮在明經王道無近效則今之所為

重吏輕學校然其龍鍾輩難免雲無告彼方隱其歲自

以為年少設彼更致問觀人戒取貌何知我不能亦乏

語而報詩識用人難兼因以自誚

仲春

社稷壇禮成述事

庚仲值南巡

庚子仲春值南巡未獲詣壇行禮

躬

祈合此春辰良當上戊歲德尚穰辛盛樂登平奏嘉牲
博碩陳年前三白兆甘雨更希頻

詠官窰雙經小餅

宋時窰罷至今存圓頸雙經模可捫設以蘇詩喻大小
不希魚折愛春溫

題宋端石鳳池小硯

懷鉛一例提携便小篆分明泐鳳池疑是早朝歸賈至從容吟得七言詩

春仲經筵

南巡去歲經筵闕廣殿熙春集珮裾學傳上聲易言分晰

注

是日講大學傳第十章此之謂絜矩之道同論發明忠恕一貫即絜矩之義以見理賢心傳之一又講易

文言乾始能以美利利天下不言所利論以乾之德不可見於四德見之猶天不言而時行物生所以為人人

居體天者也

有孚惠心勿問元吉即不言所利之義

清文漢義各陳書經筵用滿漢文講官

等依次進講御諭亦滿漢文分別宣諭以遵舊典

知之切在行之力古與稽當

今與居漫頌古稀猶講學武公抑戒老於予

經筵畢文淵閣賜茶作

經筵例著賜茶典高閣成來遂北移

向例講筵畢賜茶自文淵閣成後丙

申己亥經筵即命講官及侍班諸臣於文淵閣列坐賜茶

魚魯縱教精致覈居諸間

去有故為遲

辦理四庫全書始於癸巳歲迄今將及十年尚未成書蓋勝錄議似較優承辦者或

欲留此館局以為避恩之地則是私自利而不計公事之淹留矣

雞鳴當繹善和利蠹

簡要分公與私咨爾校讐總羣輩可宜淹過決旬期

雪六韻

二月初六日

春寒雨成雪既雪雨隨零落地胥為澤連朝殊未停飄
空飛浩浩積迴點星星玉葉簇松架瓊鍼潤麥町愛看
披料峭宜詠對鴻冥稠疊蒙

天貺欽承志敢寧

詠和闐玉拜石圖

忽逢奇石拜顛翁石也翁乎總玉同袍笏伊人未免恨
無端圖出受磨礪

題馮子振七星鳳池硯

活眼別開生面巧不於覆手於池端

刻石眼者多於覆手中茲刻於硯而

池上殊別致也

想伊賦十八公際舉目七星頭上看

河南巡撫雅德奏報得雪詩以誌慰

山東得雨繼河南

昨據國奏東省於二十四五日得雨因望河南報到有接壤豫郊應亦

被遞來佳信望猶動之句

驛使欣披報奏面凝雪積稱寸以六後期

霑數日惟三

雅德奏報正月二十七日未時起霽雪紛飛經宵達旦至二十八日卯時止積

厚六寸不疾不徐以暄以潤於麴麥場蔬實有裨益詢之農民咸稱十數年來未有若此優渥等語山東廿四

至廿五得雨河南則廿七至廿八尚雪隣封氣候不同而豫省又後期三日云

不徐不疾春宜

潤於麥於麴長

上聲

助含氣迤南何較東冷

謂山東雨而河南乃雪也

寒暄候覺未深諳

題舊玉祖丁尊

祖丁取式子商古饗饗為形意戒貪銅貯西清茲致玉
欲題詞早自懷慙

送暉僧班禪額爾德呢舍利歸後藏詩以誌惜

尋常接旨下牀人

西藏達賴喇嘛及班禪額爾德呢為
宗喀巴大弟子轉世掌黃教之人體

甚尊嚴惟接旨方下牀昨歲乃跋涉二
萬里來朝京師其誠意諄至實可嘉尚

萬里瞻京誠意

淳一見相親如宿識三生有約特來賓未言至已惜其

去明示幻妄即以真珠澤金花定重現衆生羣仰轉經輪

弗肯安居大寂光為綿梵教示真常

達賴喇嘛班禪額爾德呢之轉

世皆為宣揚黃教利益衆生即如梵典宏願衆生不度盡不肯成佛道也僅來僅去本無著

日化日生自有方開塔法華應不久演乘震旦已恒昌

金龕舍利歸西土極樂國中謁法王

覽生寺

聖僧舍利送西歸

班禪額爾德呢舍利金龕以二月十三日將歸後藏因於十一日幸御園

之使取道而與寺指路便招提小駐驂既曰去來都是
者並於覺生寺早膳

勿欲詢動靜定何機覺生可契無生妙日面休猜月面

非相處聲十旬消七字

班禪頗爾德呢以去年七月初二
一日至避暑山莊十一月廿

日示寂屈指正及百日自示寂至今歲二月十
三日發引又恰百日是中因緣亦不可思議禪房選

辟一毫揮

仲春御園即景

還宮旬浹駕言出御苑風光報仲春心悵重無間

安事

向年幸御園必先恭詣
園間安令不可復得矣

髮宣已作古稀人

輕黃上柳略殊昨淡紫含桃未放新屈指花朝隔三日
祇教盆卉荅芳辰

御湖雪泛

二月十三日

今歲春寒冰解遲鑿開仍復藉舟師平湖一泛觀烟景
冷澗雖同珠異綠

飛空有象入波無翦水神工特地殊墨戲襄陽別生面
遠山一例臥模糊

陝西巡撫畢沅奏報得雪詩以誌慰

報雪山西於此同

先是山西巡撫喀寧阿奏報正月二十七八日省城得雪八寸餘其太原

平定等九府十州屬均報得雪四五六寸及尺餘不等京師得雪亦正月二十八日也

迤西厘念

到關中今晨恰展封函喜一日還先被澤融

畢沅奏報正月二十

六七等日得有雨雪高下均霑處處遠足陝西通省春膏普被三農忭慶等語較之山西及北京尚早一日

各屬均霑真是慰三秋未至敢言豐大都北省春膏溥

近畿連得春雪山東河南各奏報於正月內雨雪應時春膏普被北省均霑溥澤實為欣慰

乾旒欽承惕切衷

題漢玉十二章敕圭

面雕章十二傳虞背刻敕依三禮圖麟趾闕睢意有在
周官法度祇斯乎

雨

二月十六日

半夜春霖踈問

去聲

稠自晨達晚未言休無聲有象真入

細潤葉濯枝果是優朝士濕衣仍共喜

是日御門引見
官凡九十九人

農夫戴笠得消愁人情易改何曾定望霽翻多行路謀

特以二十一日
成蹕西巡故云

二月二十二日啟蹕幸正定府慶落隆興寺並至

五臺瞻禮有序

金身隋寺重瞻相好千年琳宇臺懷已隔清凉廿
載啟吉適仲春下泝成陽更叶辛穰近鑒正積雪
纔融農慶恰符土硯新膏普徧省耕觀耆幼同懽
舊館仍因捐費飭緡錢預賜圓成法果搗來讚喜
真僧命辛嘉國師在
蹕行慶讚禮湧現佛輪證入妙明師利彈
指紀翠華四度猶感前巡含毫詠繡句初程爰抒八
韻

隆興建康落臺頂重

去聲

瞻依並以廿年隔恒繁一念微

光陰誠迅速來往弗稽遲

自辛巳巡幸五臺閱今二十
年本年二月舉行社稷壇

經筵典禮後於二十二日啟
行計來往程途不過一月

是日啟春蹕行程歷帝畿

恤民還道賦察吏驗歌祈醵館禁新搆

去歲即預行降
旨直隸山西境

內蹕路所經除舊有行宮四處賞給直隸銀三萬兩山
西銀五萬兩以資修葺毋庸捐廉辦理此外總御行營

不許再
有添建行營按舊圻對時思有物勅命謹惟幾薦憶前

巡況悵非奉

懿暈

過盧構橋

今時名永定古曰桑乾河歷傳有明徵卜漲曾無訛桑
熟必致乾多少期弗差叶乾少霖必少乾多霖定多去
歲桑乾際乃延一月過以此秋霖盛衝隄害田禾幸雖
排洿成民已昏墊敢茲來過石橋長虹接岸拖春水頗
滿川桑時或有波桑時弗乾則無成漲也五字識民艱蒿目歎若
何

郊行

昨歲秋霖盛春膏亦屢施

昨歲連得雨雪甚驟迺經四野

倉潤麥苗秀茁較往年為勝而却嫌沮洳積已見麥莖低下之區又或慮沮洳之積耳

披迥異常年望

北方春月每難雨今歲乃望晴無非屢農務也惟欣快霽宜駐

旌宣大吏加恤事詳咨

直隸工年被水州縣已於新正降旨分別加賑並先後撥漕米

六十萬石卽庫銀三十萬兩以資賑恤茲召見袁守伺諮問民隱據奏直屬尚有積年因災未完民欠糧米八萬

餘石銀五萬餘兩因降旨悉行蠲免

良鄉行宮卽事

壁有兩巡句祝

墮隨

翟興即今廿歲閱憶昔一枕虛僚駕當春發頓軒此夕
居遣閒思誌事把筆悵何如

降旨免直隸被災各府州縣積欠詩以誌事

去歲秋霖實異常猶看積潦道之傍

上年秋霖實異常
年繼以昨冬今春

雨雪頻仍雖野舍雨潤而雖教加賑出倉粟更與寬逋

逮地糧

新正已降旨將直隸上年被水各州縣分別加
賑並先後裁漕三十萬石撥通倉米三十萬石

部庫銀三十萬
兩以資賑恤
七府二州免追呼

去聲
順天保定河
間天津廣平大名宣

化等七府冀州遵化等二州屬均有節
年因灾出借米穀及緩征帶征銀兩

窮簷貧戶俾安

康曰休曰助豫遊要目擊灾黎更是震

七府二州節年同灾出借米穀

麥共八萬餘石又同灾緩征帶征地糧銀五萬餘兩
降青志于蠲免以普春巡恩澤俾灾黎毋致失所

郊臺

三奏武成兩度臨

準喝爾回部金川三奏武成庚辰丙申均於此郊榜出征將士

屢承

天眷意彌欽祇今惟切戒得志

昨歲于避暑山莊作堂題額並為記以闡戒得

義幸昔敢萌怙侈心臺迴俯郊永永後年深種樹已鋪

陰往來摘句頻識懼莫作尋常問景吟

弘恩寺

計里必經茲精藍隨喜宜莊嚴超色相龍象護威儀階
際看新草壁間吟舊詩昨春小憩景不隔祇如斯

涿鹿行八疊前韻

隆興慶落臨潭城驛程按頓由茲行茲州涿鹿蹟最古
律書定火紀載明不得已用聞之飽軒轅詎以斯稱好
止戈為武勝券操驅以熊羆傳涉巧行館點綴戒效尤
無過一宿憩從去聲稠筆硯精良牕几淨亦復樂此摘句

留連茲八疊前韻收實覺多矣綺言脩

御行營

早禁沿途總館增

今春將幸五臺先於上年二月降旨直隸山西督撫除蹕途所經舊有行

宮外概御行營不許增置屋宇並直隸實銀三萬兩山西實銀五萬兩以資修葺舊有行宮禁其捐廉辦理

行營按類駐因仍放彌卷密用稱便外圓內方制可徵

行營外為布幕圓城內則黃布方城中設種廬葢國朝舊規制云居以隔年真是迅歲

未往木蘭墮廬弗御者忽隔歲矣觀惟向野雅堪荒消閑點筆遂成什熟

處難忘得爾能

過定興

春郊宿麥始青青
期餅餌香與屢停
知潤長上聲因昨遭

澇念民艱為意無寧

柏巘秀氣鬱輪囷
洞裏仙名萬古新
雖遜大宗近寒儉
祇今亦少若斯人

策馬過保定府城

保陽茲省會是日過巡旌
一騎市鄧閱萬民
愛戴情徒觀斯富邑
更繼彼窮氓
按轡因程近邇來以年逾古稀
率乘輿而行
昨秋

通罷木蘭之園今日微慙解肉生
以過省會偶一策馬

至保定府臨騎亭行宮駐蹕疊年已舊作韻

畿輔恒傳蹕臨將此駐旌廿年渾昨近春日正晴明古

蹟率疑信

畿輔通志載蓮花池元張秉所鑿引澗距河
水更臨騎亭於上明知府張烈文及查志隆

重修新詩自品評府城重構築

府城向就顏廢同命發
帑重修今來大覺改觀茲

始閱工成

舫室口號

室因臨水稱云舫舟或可居又號廬名賓賓胥是也

試詢真者定何如

蓮池書院

通志臨漪亭本曰蓮池上今却居城外就築行館創

臨漪

亭據幾輔通志稱在蓮池上則應在城內之蓮池今稱於臨漪亭畔構行館而行館實在城外故辛巳詩有臨漪就古蹟題輦構新堂之句紀載率如茲艱得其真諒

紀載難以微信大率如此

紀載率如茲艱得其真諒

書院實在比亭臺增新樣端乃開於方觀承成事不說放

興學則其善歷任踵相尚茲來閱諸生頗覺知趨向所期正學敦詎誇詞藻暢處為傳道罷出作濟時匡棧模

意在茲勗之母或忘新安復有之章宗蹟艱訪

通志載又一蓮

花池在新安縣西南金章宗觀蓮處邑人張光遠起臺於池北曰看花臺云

然詎止兩哉備

說益無量

啟蹕保定之作

中山行館駐鳴蹕指前邨於邁貴休助諸凡戒滯留雖云仍舊貫那免畧新修昨歲獲非富民艱切隱求

方順橋

清曉保陽發六驂潤融風景學江南柳烟蕪露無塵裏

十里吟情逐處探

曲逆原因濡水名傳稱伐晉久分明元和改號誠無謂

方順河發源完縣即古濡水於城北曲而西流故名曲逆左傳齊國夏伐晉取逆時戰國時曰曲逆是也漢章

帝元和二年以曲逆名不善改名蒲陰後人又改為方順云逆順曲方有底爭

六二直方坤道順長橋名蓋取同斯肩與徑過弗乘馬
老弗如前此愧之

謁

堯祠

欽定四庫全書

卷七十九

堯母陵瞻古

堯皇祠謁靈辨鄉烟引白雙栢色標青柯榦殊三五祠

有

古栢二本大可數圍東株三榦西株五榦邑人以其神異殿前題聯云三皇一本五帝同根其東者尚青西者

已槁矣東西映戶庭去輿迴望畢謨典念儀型

按背誦書今人或謂之背念語雖俗然念者憶也誦其書不憶其理與其人可乎張照亦有童子念經之句可謂先得我心然竹坡詩話已早見之矣

望都覽古

望都有堯祠完縣有堯城四千年以下考古信難徵且

如一堯耳數處有堯陵呂覽在穀林劉向王象謂濟陰

叶班固地理志以為在成陽

叶濮州

即羅泌作路史曰葬

冀州城冀州地甚廣究以何為貞即今錢載議親見

平陽曾捨是他似鵲山原迴神明然斯事體大詎可輕

變更古帝所藏處即天錫佳京親禮少皞墟原據曲阜

平錢載奏克陵應祭平陽且盛陳山川形勝指為神境

考辨數千言因下廷臣集議余以濮州克陵即成陽

為秦漢數千年告祭之所有明軫改東平乾隆元年命王
公大臣鑒定仍復其舊今與其附會失真毋寧闕疑循

舊等語已依議行至堪輿乃後世之說余常屢至曲阜親禮少皞陵見其地勢平衍並無山川形勝固未可執形家言以輕議後世或禍福堪輿說乃與無據寧襲故古帝王陵寢也

慎重論從公

叶

祠則各仍舊不悖可並行

廷臣議凡遇慶典仍于濮

州致祭具平陽一處做東平之例該地方官以時展祀明裡備舉已足補前代事祀一方之闕毋庸再議紛更也為

定州詠宋事

元豐礮石守城資南渡於斯概棄之臥塌不容新睡者
建隆雄語那重思

題雪浪齋

雪浪齋前兩卷石一臥一立誰主賓

雪浪石一為礪石舊在定州一為片

石自臨城移至真假是非究難論定詳見本詩並雪浪石記

其間是非率難辨可

知今皆屑幻塵汰之水無不作浪稱以雪有若同神祠
中髯老應笑笑茲議論何饒脣

定州衆春園見山桃花始開

遇閨遲春令山桃始放榮庭前廿年別窓外幾枝橫望柳
偏嫌弱疑梅欲鬪清含毫斯責實不負衆春名

雪浪石七疊蘇東坡詩韻

一為礧石如甗也一為片石峯峙尊而脊冒以雪浪名
宜其名者智令昏礧者久占定州境片者移自臨城村
質之蘇曰作飛石定州者可守城門復質之蘇曰畫水
九原欲招兩孫魂舊雪浪石之在定州者於蘇東坡所
云竭來城下作飛石與我礧石雪浪
翻之語為迅以其汎也石磊磊有礧石之用及後之臨城
者乃有篆刻雪浪二字考墨莊漫錄稱東坡帥中山得
黑石白脈如蜀中孫位孫知微所畫石間奇流云云則
得之臨城者又實似之然事隔七百年卒難定其孰為真
執為假也因並置之定州之記片石頗具奔流狀況錫兩
衆春園詳見所製雪浪石

字

即雪浪二字

留雲根我為解嘲乃並置不必求劍每刻痕

兩張

若若
澄若

一董

連邦

蹟並弃其間是非無定論非則俱非

是俱是試看如是石和盆謂我頗預亦聽彼無過偶爾
清賞存

三疊東坡刻盆石詩韻

舊石蘇刻識蜀孫新石雪浪復刻原此非彼是艱論定
誰能於此成案翻物當有偶喜共存奚必糟粕求於盆
徒觀坦臥與傑豎是即月窟即天根別久寄興那忘言

惟勤展義忠黎元

衆春園祿詠再疊舊作韻

瞥瞬忽過廿歲冬再來訝似故人遊故人試問伊誰是
韓者蘇乎二老松

宋史中人最有光非悠悠者恣徜徉韓之經濟蘇文學
合闕遺祠步入廊

畫錦堂中駭汗顏

用歐陽修語

相州今日草堂間一家先輩

設相較文筆如椽遡斗山

何代中山曾被囿守同播木發神機

用東坡詩意

承平郡守

渾無事戲效兒童激雨飛

舊時行館葺修新途使西巡憇以春詠古因之思

主聲遙

集令那鮮遇若斯人

至正定府駐蹕

廿年未到恒山郡瞬息流光昔即今親愛民情迥必路
溺饑予意切深心原非問水尋山至惟是曰休云助臨
一節相應亦弗諱乘閒考古屢增吟

正定隆興寺三疊舊作韻

白駒過隙古語聞廿歲忽別相好尊

佛具三十二相八十種好

即今

瞻禮宛如昨識閣其閣門其門久敗重修兩置却

寺始建於

隋至今千餘年成壞新故不可數紀昨已亥歲發帑命吏重修一律普新復還舊觀示現金容改正朝向而常

衆我淨之真身實不繫於成壞新故何殊流水及行雲幻為之體相詳見所製重修寺碑記

亥年興工子歲歲落成辛丑來巡輪十里以外層樓見

迴出雉堞切鵬旻萬民迎輦益親切扶老攜幼紛且紘

迤邐郡城入閨闔街衢有路祇園分前殿後閣歷歷開

奎章懸額輝星辰

佛香閣即大佛閣聖祖御題

大士法相逾丈六

即在佛香閣

訝茲卓峙何威神

大佛像實觀世音菩薩範銅金身高七丈三尺隋開皇時

即慕容紹宗龍騰苑改為廟名龍藏寺至周世宗時毀像以供騎殘宋開寶中復修改寺曰龍興閣曰大悲周

毀宋造經興廢亦何有闕清淨身井中出銅河出木甃

言傳會徒云云

俗傳宋修此寺時寺後井自出銅又增頗龍河浮至材木萬計語殊不經

廿六臂益無據

舊像凡三十六臂以銅重乃刻木為之置于銅像上轉覺附贅其實即千手千

眼亦同一法身耳

空教塗汚灰與塵豈知大士本無我不動聲

色降魔軍因令洗滌復舊觀雙足兩臂萬古存

三十六臂既經

年久又復欲墜不知何時更以鉤索懸繫梁上昔年見之心殊不
恒徒以陳迹亦祇因循茲緣一律重修乃命解脫所繫木臂
仍還本相金身 廿六非多雨非少範銅茲現全體真西域真僧

行慶讚

寺工既竣因命章嘉國師行慶讚開光法事古
寺重新得其僧宣教實為法會因緣難得之盛

也遠超一切禪和論建立掃蕩兩弗涉法螺梵貝如是

陳長歌疊韻事紀實重光赤奮若暮春

題廣惠寺塔

廣惠花塔由來稱亭亭傑豎玲瓏仍拾級自應騁望遠
而我來路遠倍增一方已然八如是見與不見何殊此

辛巳之蹟奚必循古稀天子今老矣

正定行宮三疊舊作韻

行館駐春夕沆光閱廿年去來真幻蹟今昔假因緣風

過松陰舞月留竹影憐特茲行慶讚惜不共班禪本班擬班禪

回衛藏時順途至隆興寺行慶
贊禮今福緣不果為之悵惜

正定閱武

腹裏匪巖疆窳區久晏康詎當弛武備便以閱戎裝作

止原合度精勤要自強載咨司鎮者爾祖慎毋忘正定鎮總

兵陳大用之祖陳福於康熙年間任陝西提督征勦周
原叛將王輔臣陣亡賜諡忠愍追封公爵世襲三等子

賜葬寧

夏入籍

陝甘總督勒爾謹奏報甘省得雪詩以誌慰

北省春膏率慶佳祇惟甘肅遠蒙懷今朝奏牘行營至

時澤露田各屬皆

勦爾謹奏報蘭州省城於正月二十四日二月十一二日連得雨雪入土

二三寸並據蘭州鞏昌平涼慶陽甘州涼州寧夏西寧等府秦州階州涇州等州所屬各稟報於正二月內得

雪二三四寸不等地土滋潤援
鋤較易於邊氓大有裨益計以寸分雖略欠究之

雨雪未深乘既因慰復還因惕夏長秋收普願諧

通室

佛閣邊傍停信宿

正定行宮在隆興寺傍昨因寺工落成開光慶讚兼閱營伍駐蹕再宿

前途羶室按程披依然宵旰萬幾勑耐可春秋四季宜

芸帙雅宜閑暇遣繩牀泮忘

去聲

昨今移巡南逐頓居行

館雖省駝裝此愧之

昨歲南巡自黃新莊至江南之直隸廠登舟沿途皆有行館雖免行

營駝載而修葺尤不無勞費是以此次先期戒諭除舊有行宮外概御行營不許更有增置

箕山

洛州應在豫之封何乃箕山此地逢善善欲長多豈礙

訛傳是處不妨重

箕山在洛陽登封縣境今行唐縣西北五十里亦有箕山俗以為訛由隱

此上有家
蓋傳訛云

潁水之濱忽見由聞言更恐汙其牛求名既已薄武仲巢

父名何共許留

見杏花

時節弗相讓烟村杏報春紅苞全潤露白朵不妨塵漸

入崇山路寧須曲水濱行唐逢上巳

是日三月初三

隨意度芳

晨

普佑寺疊辛巳舊作韻

夾路蒼松籟謖然前臨水帶背峰蓮金身丈六祇如是
不覺流光隔廿年

色空易了未空空合十仍茲瞻拜躬且自山房成小憩
川巖隨喜望堪窮

阜平縣三依

皇祖元韻

遙遙見城堞歷歷經村祀斗縣亦忽到久經新雉址
城

大綱庚午經
此命重休

戶有經誦聲民風雅化俚入疆所宜問土

聞勸春籽山泉可引灌率弗資井水黔黎若相識還我
重來止親切較前諄鞠脆跪弗起孰非

皇祖恩樂利貽比里惟是勗繼繩何能方

善美更因憶掖

輦翩然意弗喜然指惜光陰遊目度關市載咨牧民者

無為以為理

御製詩四集卷七十九

欽定四庫全書

御製詩四集卷八十

古今體九十三首

辛丑四

古希

古希希聖未從心負宸違云久莅臨惟是惕乾勵朝夕
戒其玩愒度光陰龍乘不息法一健象譯由來通六音

國語自幼習之六歲習漢書乾隆八年始習蒙古語二
十五年平回部遂習回語四十一年平兩金川方習番
語昨四十五年因班禪來謁兼習唐古忒語今蒙古及
回語已精通其番語唐古忒語亦能解名物器數而尚

弗純熟未能言達事之始末然並國語及漢文則已通
六處語音矣使自八年弗習此四處語則至今尚藉人
通譯不能盡悉其情而亦無過虛度此數
十年可見諸凡不可自畫而弗勤學也
何託積成三萬首餘吟
愛樂紛哉向

益壽菴

辛巳此經過菴名喜益壽

辛巳詩有最喜菴名稱益壽
此行本為祝
釐來之句

茲來非昔况憶昔眉先顰華祝堯所辭況已古稀觀明
皇非哲君願為天下瘦徒以路之便聊喜境之秀拙速
成五字命駕前途就

夜雨

三月初六日

啓程度三輔猶見積秋潦歷歷驗田功頗覺弗雨好正
定臨山縣沙阪塵騰攬為之稍畏旱吏云麥潤飽且麥

種亦稀木棉時尚早

途次所見種麥頗稀問之耒守伺稱此地種木棉者大率在四月初

間現在尚弗吟雨

今朝近晉省山雲羃峯杪傍晚遂霏絲入夜

霈浩浩一慰起春耕一慮寧行道忽思東坡詩事艱兩

全保

三箭山

弘矢傳

家法殷勤敢不遵山傳三箭

蹟詩隔廿年春集鳳穿鵠屢木蘭射鹿牲

丁丑九月於
大西門外親

御孫矢集侍臣較射連發
軒中猶憶壬寅年侍

二十矢中十有九
皇祖於永安莽喀行圍有承

命射熊事至御極後歲至木蘭秋獮射鹿並命
皇子皇孫及曾孫等隨圍習勞以示無忘
家法今

均不如昔慙愧祇增頻

招提寺

招提寺通名此寺乃獨占對以山嵯峨帶之水激灩固

宜斯享帚樂飢可無厭而僧望施檀猶有者箇念小坐
便去之彼此免塵玷

龍泉闕四依

皇祖元韻

巖嶽巖闕度六花飛舞空雖云兩省判原是一家同陌
柳風舒綠村桃寒勒紅四番賡

祖韻承顯自慙中

雪中過長城嶺三首

於原為雨於嶺雪高下寒暄理實該六見山靈顯神異
廿年清蹕五台來

巖腹出雲如劃界樹頭戴雪訝藏根阿誰借得并州剪
琢水裁冰花樣繁

容容雲挾漫漫雪空雪峯雲兩莫分寧為去聲憑輿得奇
句頗塵僕役特勞勤

湧泉寺二首一韻

精藍臺麓更東隅湧出神泉護佛都却是誌乘偏紀異

云曾盟掌奉文殊

誌傳湧泉為文殊盟掌地辛巳詩曾辨之

漉漉不復計邊隅柳亦籠之雪亦都欲問當年紀異者

靈泉大士定同殊

射虎川

射虎傳

堯蹟當年此御弧久哉闢田野遠矣避於菟李廣誠卑

耳劉昆或誕乎

後漢書載劉昆守弘農虎負子渡河事語殊荒誕蓋人聚則地闢地闢則獸遠

此不易之理豈為守土之賢而避去向魯作文以辨其謠詰戎兼問政此意實殷吾

臺麓寺

蜿蜒臺之麓祇園特地排聞鐘遙識路入戶遂循階北
望鬱蔥處中多相好皆如云嘗鼎味此是一嚮佳

題靜寄齋

在臺麓寺
傍行館中

左廂有樸宇往歲駐於斯地古樹多蔭春寒花未蕤騁
懷足佳矣容膝且安之設曰寄乎靜靜當寄向誰

雪妍堂

每來必對雪妍山

丙寅庚午辛巳三至臺
麓皆遇雪有詩紀事

寧喻梅姿梨

態顏仍舊貫毋新構築

昨歲將幸五臺先期降旨直隸山西督撫除舊有行館賞銀修葺

葺外毋許再行增置

值幾暇喜特幽閒不殊昔日是今日却愧三

間作五間

臺麓寺傍精舍向題曰靜寄齋並有麓寺旁精舍三間無取寬之句此次改作五間殊增

煩費也

壁有前巡一再詠都因紀實未宜刪

戲題雨花堂

此非問疾維摩處安得雨花忽有堂却笑拘墟於道遠

西天震旦豈殊方

春晴

春雪既已足春晴斯正當法雲千嶂歛慧日一川祥顯
示天花喜梵語以雨雪為天花明標佛宇光最宜行旅者跋涉為

全忘

白雲寺

無寺不依山無山不出雲雲山寺三一倩誰與疏分臺
中寺多矣獨占惟斯云其他皆非乎非即是之因是非
究何定擬議徒紛紜滿天欣霽景笑莫副名勤

題鎮海寺

依巖梵宇鬱峇堯題額分明鎮海標設以武林擬靈隱
祇疑門對浙江潮

向來三度都逢雪茲復千峯積六花自是招提示白業
極無塵處演三車

海印生光聞佛語鎮之無語此蓮區雲生足底客客者
比似滄瀛亦底殊

寺傍精舍本無多憑牖雲山四面羅原我每來會心處
可教虛擲此迴過

明月池

與山為出與池為入
輾輪皓魄初不知一任名安及字
立即今在池合言池我來白日非宵時
如是當前詠明月魚兔莫得何筌蹄

祇林

到處祇林倚翠微
半居白足半黃衣
可知像教聯中外
何必其間辨是非

戲題棲賢寺

賢固讀書家者稱程朱於此尚思膺何須反面學韓語
墨行儒名是孰曾

娑羅樹再依

皇祖元韻

即空即色兩無得此理該飛潛動植而何居然見娑羅
西天震旦名俱識育根臺嶽傳其形金幢玉節恒青青
朝螺夕梵相問答春風秋籟含清泠盤盤庭際張蓋偃
毘舍浮佛跡已遠

昨歲寫娑羅樹並為讚有
樹下得道心境示叅之語

前境若無

心亦無

即毘舍浮
佛偈語

何有益部及晉獻

奎章留詠歌攢園

觀民寧渠

去聲

緣遊盤率殷繩

武勵無逸毋忘角弓同此看

自長城嶺至臺懷三依

皇祖原韻

三依

原韻同四來新況殊三均奉

翟興四獨歷巖衢以此心悵恍無已遵前途昨度長城
嶺晉民迎笑呼茲辰至臺懷梵僧聲鐘竽依然向巡景
而我意鮮娛精藍夙所識逕庭路不紆瞻禮師利尊憩
館別一區於斯駐信宿軒齋嫌已都曼殊示靈處遙見
祥雲圖言念普祝

釐未語淚已濡勉抑撫時憾且勵勤民模傳宣覲大吏
民隱咨有無

殊像寺三依

皇祖元韻

廿載別真域重來謁淨筵
默標戒定慧總括律經禪
佛家

以持律講經
參禪分三宗
面面日和月三三
後即前繪圖成廟貌
向瞻

禮五臺殊像寺時見文殊相好因摹圖歸于香山南建寶相寺命工依像裝塑詳見寶相寺落成詩并像贊

不二那疑然

靈鷲峯文殊寺三依

皇祖元韻

一念原無隔廿年夫豈遙
重茲禮淨域仍爾懃禪寮
春

草半枯菀風幡任寂飄

奎章輝日月翹首盼雲椒

文殊寺靜舍作

靜舍花宮側春朝憩偶然三間仍斗室

二字乃祖御書題額也

廿載閱流年

未至此者二十年矣

花色真如示禽音妙偈宣

奎文重仰煥到處勉繩

前

梵唄

梵唄原於漢乘

去聲

同無過文語異西東解其義者原非

二梵唄從天竺語譯成烏思藏語即唐古忒字也蓋中

國與衛藏諸經俱來自天竺唐元奘所取經係由雲

南前往即鳩摩羅什及達摩等亦由彼取道並不經歷

衛藏故自唐以前諸經皆從天竺語譯成漢字今唐古

忒字之藏經則亦由衛藏前往天竺譯成者問以行斯

是藏經與漢字經文字雖殊經義則一也

鮮得中即此黃衣偏袒誦文殊頂偈喇嘛僧誦梵唄幾曾白教秘傳

窮吟成不覺笑予執鵲噪鴉鳴豈不通

題真容院

真容此院紀文殊相好云從示現圖設謂斯真餘屬假

其然師利豈然乎

色見聲求都未可如何此院有真容曼殊是處傳親切
流者為川峙者峯

題恒春堂

臺懷行宮
內正殿也

臺懷每幸必於春恒駐斯堂有宿因六字真言聽梵唄
文殊本咒曰阿喇巴咱那底亦六
字與南無阿彌陀佛亦無異也一天皎日照嶙峋前

堂召對非無事大吏咨諏總為民歲羨風淳率完賦祗
蠲少許沛恩綸

晉省通賦甚少惟五臺縣有四十五年
未完常平倉穀三千六百餘石因降旨

悉行
蠲免

清凝齋六韻

寢室曰清凝舊齋居以仍無過停信宿已覺未相應信

弗民勞力微嫌吏逞能

昨歲預行勅諭毋許增添座落而地方之承辦各員仍不免欲

藉辦差見長亦外吏積習也

精藍雅可望後苑底須增

行宮率依舊制於後略增

池榭為之慨然但成事不說耳

凝碧亦曲沼清寒自迴陵五言聊誌愧

未豫戒之曾

題董邦達雪山兼命董誥別圖雪山得詩二首用

一韻

辛巳西巡攜侍臣雪山即景寓嶙峋今來積玉仍千嶂
圖上之人作古人

扈蹕侍臣即世臣最欣快霽雪存峴命圖真景相輝映
亦識斯人有後人

題董誥雪山圖

枚氏臯隨蹕雪山因命圖霽情宛可挹家法未全殊有
樹皆橋梓無峯不瑾瑜廿年彈指迅視昔若斯乎

汪承霈古柏水仙

古柏於斯千萬年一開生面頗教鮮似嫌山景隣寒儉
文石邊傍廁水仙

胡桂長城嶺

清凝齋壁偶題詩補空

去聲

應教畫間

去聲

之寫得長城嶺

雪景恰真前日過興時

清涼山四依

皇祖元韻

廿載重來尋昔蹤
嶺巔仍蔚後凋松
依然古佛瞻相好
夥有番僧聲鼓鐘
誰謂祝

釐竟孤負

辛巳詩有一念祝
釐冥期永之句

那堪資

愛意深重曼殊如是無些子
莫莫春雲罩五峯

甘露寺

五臺剎若林一剎一名字是處
有山泉即號甘露寺
泉出於地露降天是一是二猶疑
馬天生地成胥為水則其同也
理固然露無不甘此獨占羶鄉實
以依金仙應

真五百皆離垢既稱離垢身何有乃曰居然浴於斯此
可質諸師利否

寶塔院

寶塔崔魏倚昊穹云藏師利髮於中闍黎謹守天龍護
可識內空與外空

顯通寺再依

皇祖元韻

精藍瞻禮重靈鷲倚巍峯漢代興初地歷朝振舊蹤天

花霏座郁慧樹佈庭濃馴鴿紛來集應聞聲講鐘

羅睺寺

羅睺明示寺名嘉

羅睺佛十弟子之一也

弟子親承佛訓加密行

去聲由來稱第一

見名義集

峯峯樹樹總無遮

望海峯再依

皇祖元韻

峯據東臺迴岩堯俯下方幾番閱火劫一瞬視空桑古
寺業標白西僧衣袒黃滄溟祇杯水眼底遠茫茫

壽寧寺

虛空萬古靜為壽峯色四隣恒與寧底事弗欣於此憾

前巡曾奉

翟輿停

玉華池

靈山必有泉泉實山之脉然而一就平入地率無迹茲池號玉華方塘半畝積經冬不結冰遇旱弗竭澤松為去聲幕陰濃藻因漾波碧是謂玉之華英而不離白

戲題羅漢坪

五百應真缺其一相傳其一到來遲是誠執相而求者
吾謂曼殊或哂之

五臺山天花詩三依

皇祖元韻

老絳由來始嫩青

天花生於古樹嫩則色青為茵
可食老則色絳為芝可作屏

憶曾

作賦製為屏昔年摩詰飯覆金藉草深知此味寧

寄題北臺再疊北臺眺望恭依

皇祖元韻

依例罷攀陟

五臺惟北臺最高自丙寅有攀梯九天半駐罕五雲中之句庚午辛巳俱罷登陟

雲端眺梵宮遊神越空色想像泯邊中也覺諸人豫因之五蘊融東溟眼界裏奚必問瀛蓬

既怯鳴鞭上

丙寅登北臺策馬而上今既不能遂並肩與亦罷之

兼休步輦躋寄

懷徒向迴成詠且從低人子彼當惜高年未罷題惟斯

賡

聖藻瞻後那能齊

戲題清涼石

石不動為恒動則反厭常僧神其說者曰誠斯能扛試
之乃弗然笑問誠何藏彼其寂弗移是謂真清涼

迴鑾至白雲寺駐蹕作

前往臺懷過此時初霽白雲猶戀嶺今日臺懷駕言旋
霽久白雲無片影大士顯佑示真詮雲之有無胥平等
然而愁溥實與情及其喜晴亦因境我固憂樂同衆者
那能忘物真空省慧貺禪機兩默叅以手加額心自領

白雲出沒豈其知巖寺蕭閒鎮清永名之副乎雲弗知
實實循兮寺茲肯何來寺側構行館一宿之居過華整
未能忘言言則慙題壁恒斯對山靜

題引懷堂

白雲寺側構行館創也非仍舊腴頗迴蹕耶因駐一宿
虛窻訝許納千山底湏名實於雲責是日晴耐可推敲消

晝閒問我引懷信何所寸心恒在萬民間

靜宜書屋

雲散山猶在名標實自如可知萬緣靜遂與一宵居

陝西巡撫畢沅奏報得雨詩以誌慰

仲春上澣頻逢雪却是秦中得雨時

二月初旬京中屢得雪澤茲據畢沅

奏報西安省城於二月初九及二十五六等日連獲嘉澍入土深透附屬州縣同日均霑其同州鳳翔漢中延安榆林等府邠乾商鄜興安綏德等州屬亦於初九等日同復春膏自二三寸至深透不等土脉優滋麥苗菜豆一律榮茂夏禾豐稔

近北凝寒雪斯當

去聲

迤西融暖

可期四野歡騰等語

雨其宜不徐不疾稱深透屬府屬州已遍滋春麥夏禾可期復戒之言滿莫輕為

度長城嶺

五日晴光曬幾盤山路寬全殊跋泥潭頓覺衆娛歡可
識情何定多因境以安滿川繪桃柳一嶺隔暄寒畫意
如開幘詩材得據鞍迴看西北迴尚有玉峯攢

望水竇巖壘辛巳二絕句韻

水聲二十年無休山色一彈指尚浮試覓東坡兩題字
何曾石壁傳風流

將曰欲休早未休玉局雙文仍涉浮我偶望其水竇耳

實乎水乎誰住流

山東巡撫國泰奏報得雨詩以誌慰

入晉逢雪霈於齊獲雨霽

昨三月初七日雪中度長城嶺今國泰奏報山東省城於

初六七日竟夜連旦得雨四寸餘麥田榮茂高粱穀豆等項來時出土農民欣慶且雲氣濃厚各屬均應普被

云云實

堪欣慰

同朝若合契四寸允稱祥苗潤資麴麥甲孚利

黍梁京畿晴適好不雨審無妨

是日京南保定等處得有微雨而順天府屬均

未擬奏報聞之袁守伺撫稱近京州縣冬雪深透

入春雨雪頻仍土膏過潤現尚有望晴待耕之處

王陵城

荒城猶自號王陵陵母知興卓識稱高祖却還惜少戇
馬遷實語未堪憑

按漢高帝本紀呂后問誰可代蕭何曰曹參可又問
其次曰王陵可然陵少戇陳平可以助之云云此事
膾炙人口率以為呂后之禍高帝若先知者帝於蕭
曹輩五人知之悉而論之當宜也若夫呂氏之禍則
高帝所不期好竒而不概之以理史遷實不能辭其
責向曾為文論之因經王陵城題句復識如右

賦得王良登車

得心字八韻
會試題

御駟在馴心論衡取喻深物無不可教世有足同歲執
乾子淵頌登車仲任吟百家通以後一乘譬垂今相得
泯駕馬詭隨耻獲禽轡柔如組執都過逐風駸祇謂精
神貫匪從牝牡尋勲華順民意緬治愧難任

護理河南巡撫布政使李承鄴奏報得雨詩以誌

慰

撫軍來覲謁印合護藩司

巡撫富勒渾來行在陞
見例將印交藩司護理欣報

春霖日恰同山左時

李承鄴奏豫省自二月連得雨澤
茲三月初六日自未至亥省城復

得雨四寸各屬稟報相同現在二麥暢茂雜糧團蔬
皆及時播種與國泰所奏得雨日期分寸大率相等來

苗穀芽潤傍縣各州滋奏牘關民務行營隨處披

靈濟祠再疊舊作韻

小別廿年矣依然水醜渠為功利耕作此計匪迂舒暫
可憑軒覽幾曾煖席居壁題仍好在和韻適幾餘

題愜適齋

靈濟祠邊愜適齋便途小憩昔今皆雖然樸素無多賞

究覺憫予未愜懷

秀木軒口號

前巡秀木已佳陰廿載龍蔥陰益深設作故人刮目待
我猶昔也愧成吟

廣利渠

乙丑疏渠靈濟邊

祠名渠在其側高斌為直隸總督所奏開者

至今猶憶昔

臣賢墾田灌溉資千里似此興功何礙焉

烹雨前茶作

穀雨猶賒十日期
貢來雀舌速無遲
寓規興化進茶表
絮矩田家賣穀詩
文蟹武魚總依候
今春昨歲偶闕思
一彈指頃三千里
龍井山中看摘時

栢巖山

古栢籠巖翠
幹擎山南洞
緬浪仙賒雖然入
僻詩稱瘦
要自鈔鈔成一家

農況

農況東來逐日增
香期餅餌入吟憑
大麴小麥凡一律

近墮遙阡蔚幾層飲露得滋如助長擺風去滯實相應
麥喜風石則鬱滯弗結實故謂之麥浪也雖然宜細弗宜甚謂風塵土殃之亦可憎

木蘭祠

成勲歸里弗受賞脫却戎衣換女衣莫謂丈夫輸巾幗
不輸巾幗者誠稀

迴蹕駐保定臨漪亭行館

行館招提側迴鑾駐似初菜花黃引徑渝水白圍居風

定閒開牖畫長宜展書如云容膝好即景每慙予

再詠蓮池書院十二景

春午坡

直省都勤書院規保陽獨此號蓮池風開首善為倡率

文運方當春午時

萬卷樓

竭然辛巳憶前巡曾向書樓拾級頻試問箇中破卷者

是誰下筆解如神

花南研北草堂

花南背日圖觀麗研北當春欲詠妍自是詩人會心處
以云經義豈其然

高芬閣

三朝文治繼繩脩方伯歷年

錫字留六藝高芬千古永陳家那數御書樓

海寧陳氏
安瀾園有

御書樓以藏

賜書

宛虹亭

曲橋跨水宛如虹却架小亭介路中設向武夷擬其幔
更無勞客躡雲空

鶴柴

胎雲曾是著仙經禽也而非凡鳥形但以格高宜綴景
惜他每被剪雙翎

慈幢精舍

精舍原非儒者居慈幢取義緬其初韓文應是曾經讀
喻送浮屠文暢書

藻詠樓

高閣臨溪俯上層
春時水解尚疑冰
綠蒲白芷斯猶未
藻漾波心致可憑

繹堂

蓬矢桑弧識舉男
一身六藝備應諳
今人何不如古也
臂病當茲倍覺慙

寒綠軒

因令人遠致軒深
步入原來君子林
咨爾箇中樂羣者

毋忘有斐自修心

篇留洞

徑循石洞有篇酬偶爾無過佳興投却顧隨行方伯語
還應嘉政為民留

含滄亭

十二景都點綴工圖呈曾肖御園中

辛巳過此命繪圖於園明園秀清村

肖此結構

廿年事蹟一彈指拈句因之思不窮

雨

三月二十日

啓程逾半月度嶺雪非阻

謂雪中過長城嶺有詩

及至迴轍旬間

惟霑寸許長途或低濕亦或歷高阜

叶

低處尚微濘高

則揚塵土頗低慮增潦經高為

去聲

望雨前朝東北風昨

夜飄細靈

叶

靈寺果循名

昨十九日停駐保定之臨猗亭其傍為靈雨寺是夜即微

雨飄

春膏誠錫祐今日駐行營急陣霈卓午蘇詩向所

恚豈不念行旅權其輕重問我自依農父獨因繼低田

或致遲耕務

叶

况聞津瀛間澇水消未普

昨秋霖潦總督袁守伺稱

天津河間等屬低窪村莊間有未盡涸出之地此時實不望雨慰

謂高田

愁

謂低田雨紫心

欽定四庫全書

御製詩四集

三

不知何所措叶然以是為恒弗以是為苦

喜晴

春澤今年美春朝乃喜晴菜町黃潤透麥隴綠鮮生信
笑增農況幸哉愜旅情東坡句堪傲視此兩全并

潭柘寺

近京古刹久名題白足僧人守羣提

秦言忍辱也見名義集忍辱為六波

羅密之一此寺僧人習持律而不叅禪雖屬有為法然不落苦空反入文字禪也

雖事莊嚴屬

有象弗叅棒喝涉無稽幾間精舍構其左一日駐鑾旋

自西戊歲己年詩在壁不堪重讀祇悽兮

延清閣口號

閣號延清延片時我來虛牖剎那披豈如閣與清恒永
不較無知及有知

戒臺

嶺度羅暎峻寺臻授戒臺密乘弟子謹

羅暎為佛十大弟子之一密行

甚高毘奈

毘奈戒律也見名義集

世尊開徑自西東問律惟空色該

四山過法雨滿目絕塵埃

西巡迴鑾駐蹕香山靜宜園

正定五臺清蹕還便途一帶取西山遂教兩日靜宜駐
未可七言春暮刪歷覽麥塍欣綠野依然林壁對孱顏
黃綾詩本百篇滿擬閣吟情消以閒

昭廟

建茲昭廟駐班禪

見去歲詩

黃教圖恒震旦宣誰謂十旬暫

東土遂教寂滅返西天

經云生滅滅已寂滅為樂

知其無去惜為去

示此有遷原不遷馥郁梵香升寶鼎篆成卅字揭真詮

三月晦日作

西巡演迤返園寮，微幸青郊暘雨調。
體物惟殷謙以受，勅幾所戒滿而招。
林扉鳥喜綠將暗，花埭蜂稀紅已消。
九十春光無少欠，春三月或值小建則不足九十今歲正二三月皆大建是九十不欠一日
也。那辭夏孟逮明朝。

御製詩四集卷八十